



欽定四庫全書提要

三國志辨誤三卷不著撰人名氏原本於昞字皆缺筆疑或宋之遺民爲端宗諱然無顯證莫之詳也其書皆辨陳壽三國志及裴松之註之誤凡魏志二十八條蜀志八條吳志二十一條三國志簡質有法古稱良史而如孫權之攻合肥魏吳二志後先不同當時爲孫盛所評議洎行世旣久傳鈔脫誤尤所不免是書於躋駁之處分條臚列其間爲字之誤異者如三少帝紀定陵侯繁當作毓少府襲當作表之類文之倒置者如正元二年八月戊辰不當在辛未後之類正文與註淆亂者如王肅傳評未附劉實語本裴註所引而混入之類原本之

缺佚者如吳志徐詳不當附胡綜傳之類皆確有據依
又如杜夔傳左願當作左驥一條引文選李善註云驥
與顛同音而善注中無此文亦可以參考同異至步騭
傳一條稱呂岱譌程普如夏侯惇傳中以關雲長爲呂
布云云今按敦傳載建安二十四年太祖軍擊破呂布
軍于摩陂是時呂布已亡核之蜀志及通鑑正曹操與
雲長相攻之事所言蓋卽指此然當別有辨正自爲一條
不容僅附識一語疑書中有所脫佚非其舊矣又書中
大抵以前後文互爲核校而參以後漢書晉書未能遠
引博徵以相參證殆裴註已極詳核故不能度越其外
歟要其抉摘精審固亦劉氏刊誤吳氏糾謬之流亞也

三國志辨誤卷上

四庫全書原本

墨海金壺

史部

失名

魏志

武帝紀

建安二十三年春正月漢太醫令吉本與少府耿紀司直韋晃等反攻許

本後漢書作平

案後漢書耿秉傳作太醫令吉平

而魏郎

中魚豢所著魏略

案隋書經籍志魚豢撰典略八十九卷

其記吉令事名已

從本殆魏臣自以避文帝諱改陳氏乃仍魏史之舊耳東

漢杜操字伯度及魏代避諱易為杜度至晉人因之如衛

恒四體書序可證也本舉事之詳見裴氏引摯虞決錄注

中案隋書經籍志三輔決錄七其子邈穆之字亦具載焉

而獨逸本字殆亦以字易名如杜度之例故不可並書耶

明帝紀

太和元年冬十二月新城太守孟達反注文帝與孟達書保官空虛初無資任

資當作質魏制凡鎮守部曲將及外州長吏並納質任有家口應從坐者收繫保官時帝特欲撫慰初附故為此華

言耳

景初二年春正月詔太尉司馬宣王案司馬懿晉武帝泰始元年追尊宣皇帝先于

魏咸熙元年以子昭帥眾討遼東注何曾表在險當難則權進爵晉王追封宣王

足相濟隕缺不預則手足相代

手當從晉書何曾傳作才

三少帝紀

嘉平六年秋九月大將軍司馬景王案司馬懿晉武帝泰始元年追尊景皇帝先于

魏咸熙元年以弟昭以聞皇太后告于宗廟遣芳歸藩於齊進爵晉王追封景王

注廷尉定陵侯臣繁少府臣褒

繁當作毓此鍾毓也本傳可攷褒當作表時鄭表為少府將作大匠渾之從子也其歷官詳見晉史

正元二年春正月乙丑鎮東將軍母邱儉揚州刺史文欽反

戊戌大將軍司馬景王征之癸未車騎將軍郭淮薨

乙丑癸未之中不容有戊戌當是戊辰之誤如甘露二年

五月乙亥諸葛誕反越二日丁丑卽下詔親征是也

秋八月辛亥蜀大將軍姜維寇狄道雍州刺史王經與戰洮西經大敗還保狄道城辛未以長水校尉鄧艾行安西將軍與征西將軍陳泰併力拒維戊辰復遣太尉司馬孚為後繼戊辰不當繫辛未後殆傳錄者倒其文耳

景元二年秋八月戊寅趙王幹薨甲寅復命大將軍進爵晉公

以戊寅推之是月不當復有甲寅兩寅字定有一誤案晉書文

帝本紀致晉公茅土九錫資治通鑑復命司馬昭進爵位並繫甲寅則似誤在戊寅

咸熙元年春正月壬辰檻車徵鄧艾甲子行幸長安壬申遣使者以璧幣祀華山

以甲子壬申推之不當有壬辰當是壬戌之誤觀下文二月辛卯特赦諸在益土者庚申葬明元郭后二事則知辛卯是二月朔壬辰乃二月二日也

卞皇后傳

文帝欲追封太后父母因尙書陳羣之奏而止至太和四年春明帝乃追諡太后祖父廣曰開陽恭侯父遠曰敬侯祖母周封陽都君及恭侯夫人皆贈印綬

祖母之祖疑衍以疏封之次言之卞后母于文帝為外祖母若祖母則為外曾祖母明帝推恩理應先封太后母不當反舍太后母而獨封太后祖母也況下文有及恭侯夫人皆贈印綬語其文義尤明乎

董卓傳

初卓信任尙書周毖城門校尉伍瓊等用其所舉韓馥劉岱孔伷張資張邈等出宰州郡而馥等至官皆合兵將以討卓卓聞之以爲毖瓊等通情賣已皆斬之注謝承後漢書曰伍孚字德瑜董卓作亂孚因出刀刺之卓遂殺孚謝承記孚字及本郡則與瓊同而致死事乃與孚異也不知孚爲瓊之別名爲別有伍孚也蓋未詳之

城門校尉伍瓊被殺在關東義兵初起卓未西遷之前而荀攸傳載卓徙都後攸與越騎校尉伍瓊等同謀刺卓事垂就而覺則當時自有兩伍瓊謝承所記乃與荀攸同謀刺卓之人故稱孚官悉與志合則孚爲瓊之別名無疑也至二人名字並同者是猶同時有二劉岱皆字公山也

張魯傳

祖父陵造作道書以惑百姓從受道者出五斗米故世號米賊子衡行其道衡死魯復行之雄據巴漢垂三十年注典畧曰光和中東方有張角漢中有張修臣松之謂張修應是張衡非典略之失則傳寫之誤

衡事見魯傳裴氏蓋據本傳言之後漢書靈帝紀張角張修並以中平元年反章懷注修事引漢侍中劉艾紀

案隋書經

籍志漢靈獻二帝紀三卷漢侍中劉芳撰據後漢書董卓傳劉艾兩見初爲長史後爲侍中其作芳誤

與典

畧之文合劉紀出典畧之前不應有誤修衡二人雖同爲五斗米道而衡匿跡深山無阻兵作亂事與反逆之妖賊

自迥異也

荀彧傳

諸所進達皆稱職唯嚴象為揚州韋康為涼州後敗亡注三輔決錄曰象字文則建安五年為孫策廬江太守李術所殺

三輔決錄下脫注字

案後漢書荀彧傳惟嚴象為揚州注引三輔決錄之文亦脫注字

趙

岐決錄序曰其人既亡行乃可書嚴象敗沒在決錄成書後至韋康遇害岐卒已久尤不相及也其為摯虞注無疑

彧兄衍以功封列侯注閱從孫暉字景文太子中庶子與賈

充共定音律

暉當作輝音當作晉見晉書賈充傳

案傳既定新律加祿賞詔中有荀輝

長子暉于輝為大父行則輝命名自不應同也

邴原傳

大鴻臚鉅鹿張泰注邈字叔遠宦歷二官

案本注鉅鹿張邈祖父泰父邈蓋邈

為泰之子

官當作宮歷二宮者謂以朝臣而更為東宮官屬也語見

吳志薛綜傳注

案薛綜傳注引王隱晉書言綜之孫兼字令長歷位二宮丞相長史

華歆傳

歆封博平侯子表嗣咸熙中為尚書注表字偉容年二十餘為散騎侍郎事來有不便輒與尚書共論盡其意司空陳泰司徒李胤司隸王密等常稱之

華表以咸熙中為尚書則其官散騎侍郎當在文明之世是時陳羣為司空泰之父也羣以司空錄尚書事凡散騎

奏議無不綜典故悉表之為人而稱之耳雖諸書亦有緣泰之贈官而稱司空者然當表為散騎時泰方名微位卑

朝士似不假其品藻為重也泰當作羣案魏志陳羣傳文帝踐阼遷尚書僕

射徙尚書令明帝即位為司空仍錄尚書事又陳泰傳青龍中除散騎侍郎正始中徙游擊將軍嘉平初為雍州刺史後徵為尚書右僕射典選舉吳將孫峻出淮泗以泰為鎮東將軍峻退還轉左僕射景元初追贈司空裴松之注引博物記曰太邱長陳寔寔子鴻臚紀子司空羣羣子泰四世有名而其德漸漸小減是皆足為泰當作羣之證

王密當從晉書表傳作王宏宏弼之兄也別見鍾會傳注

案晉書華表傳司徒李膺司隸王宏竝歎美表清澹退靜以為不可得貴賤而親疎魏志鍾會傳弱冠與山陽王弼竝知名弼注易及老子年二十餘卒裴松之注云父業為尚書郎又引博物記曰業即劉表外孫蔡邕有書近萬卷末年載數軍與業之族叔繁繁亡後相國掾魏諷謀反繁子預焉既被誅邕所與書悉入業業子宏字正宗司隸校尉弼之兄也竝足證密當作宏

王朗子肅傳

評曰鍾繇開達理幹華歆清純德素王朗文博富贍誠皆一時之俊偉也魏氏初祚肇登三司盛矣夫王肅亮直多聞能析薪哉劉實以為肅方于事上而好下佞已此一反也性嗜榮貴而不求苟合此二反也吝惜財物而治身不穢此三反也

劉寔語當是裴注如譙周傳評後注引張璠以為云云與此正同肅既名臣又晉武外王父史臣於本傳略無貶辭豈應于評中反摭其短乎況陳評二句辭意已足其下不容更贅他語尤易了也

張既傳

酒泉蘇衡反與羌豪鄰戴及丁令胡萬餘騎攻邊縣既與頁侯儒擊破之注儒初為鄆陵侯彰驍騎司馬宣王為征南將軍都督荆豫州正始二年朱然圍樊城儒進屯鄧寨以兵少不敢進召還為太僕

驍騎司馬句絕鄆陵北征以北中郎將行驍騎將軍

案原本北

中郎下脫將字

時儒從兄尚為長史

案魏志夏侯傳北郡胡叛遣鄆陵侯彰

討之以尚儒則為司馬從征也宣王二字有誤為征南上

兼有脫文宣王嘗以驃騎將軍都督荆豫不在四征之列

蓋為征南都督荆豫者即儒也以下文樊城受圍儒坐遲

救召還事觀之義自明矣

案魏志任城威王彰傳建安二十一年封鄆陵侯二十三年代

郡烏桓反以彰為北中郎將行驍騎將軍明帝紀太和元年新城太守孟達反詔驃騎將軍司馬宣王討之三少帝

紀正始二年吳將朱然等圍襄陽之樊城太傅司馬宣王率眾拒之退云云並足證是注所引魏略之有訛脫

杜畿傳

或謂畿曰宜須大兵

或當作或畿自西平移守河東雖由荀彧之薦而是時畿

在陝津或留許下不得參預軍謀殆因前有荀彧字而致

誤

許褚傳

從征張繡先登斬首萬計遷校尉

萬疑當作百褚雖驍勇安能手斬萬級恐因百方二字相

近致誤耳

褚兄定亦以軍功封為振威將軍

將軍乃官號非國邑不當言封而上文進牟鄉侯當作進封蓋功下衍字正前所脫也

陳思王植傳

子志嗣徙封濟北王累增邑并前九百九十戶

魏室諸王至正元景元間普增封邑其戶皆累千即如平

陽成武二公亦皆踰千戶矣案平陽公名琮見鄧哀王冲傳成武公名範見鄧戴公子

整傳思王初封於陳已有邑三千五百戶至子志嗣爵又累

增邑乃并前計之止有九百九十戶必傳寫脫誤也評後

注魚豢語通鑑亦引之至于植者下通鑑有豈能興難一

句案魏志以陳思王植與任城威王彰同傳傳後總評其不能克讓遠防終致攜隙裴氏引魚豢所論注之有彰

之挾恨尙無所至至于植者乃令楊脩以倚注遇害云以云通鑑載是論于黃初元年二月貶植安鄉侯條下

文義求之此語斷不可刪通鑑所記漢末三國事間有採

陳志所遺者自范史袁紀晉書外皆不出裴氏所引諸書

別無異事足知魚豢王沈諸史案晉司空王沈撰魏書四十八卷見隋書經籍志

當纂長編時已多不存故惟以志注為據也然則此注所

少四字必非裴氏所芟乃後來刊本脫落耳

和洽傳

子禽嗣禽弟適注晉諸公贊曰和嶠字長輿適之子也

適當作適三少帝紀甘露二年帝臨辟雍賦詩侍中和適

等作詩稽留即其人也又晉書和嶠傳亦可攷

韓暨傳

進封南鄉亭侯

此與滿寵王凌由亭侯進封南鄉侯同案暨先封宜城亭侯滿寵先封安昌

亭侯王凌亦先封宜城亭侯各見本傳亭字衍

田豫傳

公孫瓚使豫守東州令

東疑當作泉泉州縣名屬漁陽郡案後漢書郡國志泉州有鐵魏書地形志併泉

州入雍奴即今武清縣

牽招傳

招賜爵關內侯子嘉嗣注嘉子秀文辭尤厲

尤當作亢見晉書牽秀傳案傳云文辭亢厲以譏詆外戚盛名美譽由是而損

郭淮傳

涼州休屠胡梁元碧等率種落二千餘家附雍州淮奏請使

居安定之高平為民保障其後因置西川都尉

西川之川當作州晉泰始中中丞傅休奔上疏措置秦隴事請更置一郡於高平因安定西州都尉徙民充之以通北道是其證也

胡質傳

將軍張遼與其護軍武周有隙感言復與周平注周字伯南

沛國竹邑人子韶歷二官吏部郎

二官當作二宮此與前張邈宦歷二官之誤同據晉史韶

歷吏部郎太子右衛率故云爾

杜夔傳

文帝嘗令夔與左願等于賓客之中吹笙鼓琴夔有難角由

是帝意不悅

左願當作左驥見繁欽與魏文帝賤文選李善呂向注引夔傳並與賤合善又云驥與顛同音由善注觀之夔傳此字本作驥當是後來傳錄者易爲顛而作願者又顛之轉訛也

三國志辨誤卷上

三國志辨誤卷中

蜀志

劉焉傳

董扶求爲蜀郡西部屬國都尉及太倉令會巴西趙韙俱隨焉

會字疑衍太倉令屬大司農趙韙蓋棄此官而與扶皆隨焉入蜀也上云侍中廣漢董扶繼云太倉令巴西趙韙正並舉二人之爵里也

法正傳

諸葛亮與正雖好尙不同以公義相取歎曰法孝直若在則能制主上令不東行

評後注先主與曹公爭一條案注先主大怒不肯退無敢諫者矢下如雨正乃往當先

主前云云當是建安二十四年曹操至陽平時事當在正傳後裴氏以葛相有孝

直若在之歎故引此事為證見正智術有餘能迴主上之

意耳今誤移評後并脫所引書名皆傳錄之失也

費詩傳

往年南征歲未及還

未及當作未乃據後主傳亮以建興三年二月南征十二

月還成都故曰歲未乃還也

譙周傳

周三子熙賢同少子同頗好周業亦以忠篤質素為行舉孝

廉除錫令東宮洗馬召不就周長子熙熙子秀字元彥

傳文當以召不就句止下乃裴氏注

案晉書隱逸傳譙秀卒于永和升平間年

九十餘當元康七年陳壽卒時秀已及壯何焯謂元彥之去承祚遠者亦未詳攷耳惟傳文既有周三子熙熙同云云不當復贅周長子熙句則其為注文無疑

馬忠傳

進封彭鄉亭侯

忠由亭侯進封鄉侯彭鄉下衍一亭字

案本傳先封博陽亭侯則進封不當

仍是亭侯與魏志韓暨傳進封南鄉侯之衍亭字同

費禕傳

封成鄉侯注讒其不意

讒當作攙與魏延傳攙儀未發之攙同

楊戲傳

贊吳子遠注徙亭侯進封高陽鄉侯

此與後贊輔元弼注徙鎮南為右將軍同兩徙字並當作從

贊馬承伯注承伯名齊為太守張飛功曹貢之先主建興中從事丞相掾遷廣漢太守復為飛參軍

飛參軍之飛字衍張飛卒於建興前時承伯蓋自郡守入參丞相軍事耳曰復為者蒙上從事丞相掾言之

三國志辨誤卷中

三國志辨誤卷下

吳志

孫權傳

赤烏二年春三月遣使者羊衞鄭胄將軍孫怡之遼東注胄父札權為驃騎將軍以札為從事中郎四年夏四月車騎將軍朱然圍樊注零陵太守殷札

三札字並當作札張昭傳注作鄭禮顧邵張温趙達傳作殷札此字有古今之異耳

案張昭傳注曰昭與孫紹滕胤鄭禮等採周漢撰定朝儀顧邵傳曰殷禮起于微賤又曰禮零陵太守注云禮字德嗣張温傳曰殷禮者本占候召趙達傳曰闕澤殷禮皆名儒善士諸禮字今刊本均不作札并不作札則作札者之因古文禮為札而訛無疑其張昭傳注之孫紹與孫權傳之紹邵異文亦必有一誤此正如宏宏本一字權傳注中謝

宏屢見而陸遜潘濬傳皆作謝玄是也

案謝宏分見孫權傳嘉禾二年未赤

鳥九年未注中謝玄陳便宜見陸遜傳黃門侍郎謝玄見潘濬傳玄與宏固古今之異然據漢書王莽傳日德元玄注云玄圓也又云玄古肱字則音義與宏難合為一

孫亮傳

太元元年冬權寢疾徵諸葛恪為太子太傅明年四月權薨太子即尊號大赦改元是歲于魏嘉平四年也閏月以恪為帝太傅

亮之改元既不遵踰年之制則本傳於其踐阼後當即繫新君所改之號而下文之二年方可蒙上言之耳如蜀志後主傳章武三年夏五月後主襲位于成都大赦改元下即書建興元年夏是也閏月上疑脫建興元年四字

一年冬十一月有大鳥五見于春申明年改元

亮之改元若果以明年不必先記於是歲當作改明年元如孫權黃龍三年會稽言嘉禾生改明年元又孫皓建衡三年西苑言鳳凰集改明年元是也

孫休傳

年十三從中書郎射慈郎中盛冲受學

射慈疑謝慈之誤謝慈見孫奮傳觀裴氏注知慈為時碩儒故休從受學也慈事注奮傳前無注者是猶留贊先見孫亮傳而贊之事跡皆注在孫峻傳中也射氏系出北地當孫吳之世不聞有并涼舊姓仕於江東者

張昭傳

昭弟子奮領兵為將軍至平州都督

吳無平州當是半州之誤吳主子建昌侯慮嘗鎮半州又

大將甘寧潘璋亦嘗屯此乃中流重地故特置都督如西

陵濡須之比也案半州見潘璋傳及甘寧傳注所引韋昭

名晉書作半州見庚澤諸哀二傳唐李吉甫元和郡縣志

有晉太康十年分豫章郡陽廬江等郡之地置江州惠帝

分廬江之潯陽武昌之柴桑置潯陽郡自東晉元帝至蕭

齊或理半州隋改潯陽為潯城縣武德五年復改為潯陽

縣半州故城在縣西九十里吳孫慮出鎮于此築城云云

據吉甫所志合之褚哀除江州刺史鎮半州即吳志之半

州無疑猶潯陽為漢縣梁沈約宋書

魏徵隋書並沿舊文後乃改書潯

步騭傳

太子登與騭書騭條諸葛瑾陸遜朱然程普潘濬裴元夏侯

承衛旌李肅周條右幹十一人甄別行狀因上疏獎勸

騭所條上諸臣皆當時有聲績于荊州者程普之卒在吳

主稱尊號前不應亦列其中恐傳錄誤也時呂岱在荊州

其名跡亦葛陸之亞騭獨遺之為不可曉或程普乃呂岱

之譌如魏志夏侯惇傳中以雲長為呂布也案魏志武帝

殺呂布而夏侯惇傳擊破呂布軍于摩陂乃在建安二十年

四年作傳者不應舛訛若此殆是後人因太祖既擊破云

云書法未愜人意故為

徙太子中庶子拜翼正都尉

徙當作從中庶子乃表初除之官非遷改也此與張休從

中庶子轉右弼都尉同

嘉禾三年以表領新安都尉

安當作都是時新都猶未改新安又諸葛瑾傳註引吳書

亦云新都都尉陳表尤明證也

案孫權立新都郡晉太康初改曰新安韋昭在孫皓

未失國之前撰吳書陳壽作志于晉滅吳之後因避晉諱且改韋昭之名為曜則郡名從晉自當時史例非誤也若晉書乃唐貞觀時所撰其地理志既云晉平吳改新都為新安而追述吳主之初置郡五注以新安則自相牴牾矣

凌統傳

從往合肥為右部督

往當作征

事畢當出會病卒年四十九

統父操以漢建安八年從征黃祖戰沒統時年十五及十

一年即預討麻屯之捷後至四十九而卒則吳之赤烏中

也統自攝領父兵屢立戰功為時名將若赤烏中尚在則

從征合肥還二十年間統之宣力戎行多矣何更無功可

錄乎據駱統傳凌統死復領其兵在隨陸遜破蜀軍之前

然則統之年當在三十左右本傳所云乃傳錄之誤

丁奉傳

為冠軍將軍封都亭侯遷滅寇將軍進封都亭侯

進封都亭侯之亭當作鄉奉已封亭侯更封鄉侯斯為進

爵耳如陳武是儀進封都鄉侯是也

建衡元年奉攻晉穀陽無所獲皓怒斬奉導軍三年奉貴而

有功漸以驕矜或有毀之者

三年下脫一卒字奉卒于建衡三年別見孫皓傳

朱然傳

魏將蒲忠吳質各將數千人注魏志及江表傳

志當作書此謂王沈等所撰之魏書也

諸葛瑾子融步騭子協雖各襲任權特復使然總為大督又陸遜亦本功臣名將存者惟然莫與比隆

亦本當作亦卒句絕曰亦卒者蒙上瑾騭二人言之據孫權傳遜先然五年卒

虞翻傳

太末徐陵注陵子平兩婦歸宗敬情過乎厚

兩婦當作兩姊既曰歸宗又曰敬必女兒也

歸葬舊墓注桓文遺之尺牘之書比竟三高

文當作王謂長沙桓王也

又注處士鄧盧敘

鄧當作鄞否或鄧字之譌朱育舉上虞陳業以下十餘人應郡守之問其人皆不出本郡鄧乃汝南屬縣與會稽無預

駱統傳

封新陽亭侯黃武七年卒

凡列侯之歿其有子嗣爵與否史必詳書之而統與是儀傳獨闕疑有脫文統子名秀為時顯士見陸遜傳注又孫休傳中有司鹽校尉駱秀即其人也則統非無後者

鍾離牧傳

子禕嗣代領兵注次子盛以施績留建平智畧名將屢經于

彼

留下衍建字此因上有建平字而複出也留平見孫休傳
平以永安六年以平西將軍率眾圍巴東數月乃還則平
之經信陵者屢矣

陸凱弟胤傳

轉左虎林

左當作在如王昶從兗州轉在徐州張飛從宜都轉在南
郡是也

胡綜傳

徐詳者字子明吳郡烏程人也先綜死

志中凡不立傳而附見他傳者雖有事跡可稱評中皆不
及之綜傳次是儀傳詳事又附綜傳後而陳氏評詳乃與
是儀胡綜同日為孫權時幹興事業者而尤稱詳之數通
使命無傳有評疑乖史例且詳通使曹公惟一見孫權傳
中如陳氏之評則詳固屢嘗奉使稱旨矣前既不著其事
而後忽出此評更所未喻也觀評中先詳後綜則非附見
綜傳者甚明意詳當自有傳在綜傳之前而偶逸之今綜
傳後數語則出自後人附益也據江表傳詳嘗以侍中偏
將軍為節度官掌典軍糧亦可畧見其幹畧餘則無從攷
證矣

皇清嘉慶十四年歲在屠維大荒落余月昭文張海鵬較梓

續後漢書

續後漢書序

曹氏代漢名禪實篡特新莽之流亞丕

登壇自

形舜禹之言固不敢欺其心矣今向千載人之好惡豈復相沿而蘇軾記王彭之說以爲塗巷談三國時事兒童聽者聞劉敗則輦蹙曹敗則稱快遂謂君子小人之澤百世不斬茲豈人力強致也與陳壽身爲蜀人徒以仕屢見黜父又爲諸葛所髡於劉氏君臣不能無憾著三國志以魏爲帝而指漢爲蜀與孫氏俱謂之主設心已偏故凡當時祿祭高帝以下昭穆制度皆畧而不書方見乞米於人欲作佳傳私意如此史筆可知矣其死未幾習鑿齒作漢晉春秋起光武終愍帝以蜀爲正魏爲篡謂漢亡僅一二年則已爲晉炎興之名天

實命之是蓋公論也然五十四卷徒見於唐藝文志本朝太平御覽之目逮仁宗時脩崇文總目其書已逸或謂世亦有之而未之見也幸晉史載所著論千三百餘言大旨昭然劉知幾史通云備王道則曹逆而劉順近世歐陽脩議正統不黜魏其實客章望之著明統論辨之見於國史張栻經世紀年直以先王上繼獻帝爲漢而附魏吳於下方皆是物也今廬陵貢士蕭常潛心史學謂古以班固史爲漢書范曄史爲後漢書乃起昭烈章武元年辛丑盡少帝炎興元年癸未爲續後漢書既正其名復擇注文之善者併書之積勤二十年成帝紀年表各二卷列傳十八卷吳載記十一卷魏載記九卷別爲音義四卷惜乎壽疏畧於前使常不得追記英賢憲章于後以釋裴松之之遺恨也昔周東遷浸以微弱至春秋時僅爲王城而吳楚強大緜地數千里皆僭稱王聖人斷然以夷狄子之昭烈土地甲兵甚非周比興于漢中適與沛公始封國號同天時人事決非偶然孔子復生必有以處此乃爲首探魏文當日之心次舉蘇氏百世之說以合習氏之論而證舊志之非作續後漢書序慶元六年庚申二月望少傅觀文殿大學士致仕益國公食邑一萬四千六百戶食實封五千四百戶周必大書

進續後漢書表

臣常言名義至重信古今之不渝書法匪輕雖毫釐之必計
理不可易事固當然竊觀魯史之文仰識宣尼之志盟會所
列敢辱天子之尊王人雖微必敘諸侯之上僭如吳楚爵不
過子盛若威文號止稱侯蓋天常尊地常卑轉移不可譬履
雖新冠雖敝顛倒弗容載維聖經筆削之言深疾史氏抑揚
之謬彼妄肆一時之意蓋莫如三國之書既紀曹而傳劉復
貶漢而爲蜀以鬼蜮之雄而接東京正統以高文之胄而與
孫權並稱徒知崇僞而黜真寧識尊王而賤伯不可以訓莫
甚于斯是用質之古人揆之公議一切反之於正多言守之
以中爰痛闢於淫辭庶少扶於名教恭惟皇帝陛下廣淵齊

聖緝熙光明推太宗開卷有益之誠佩高廟放心莫收之戒每於經筵之暇及夫史學之傳獨全深識遠覽之明力主大公至正之道如臣末學為時鄙儒自幼承師法於先臣有志明天下之大義凡疑似是非之際必反覆辨析其間名不假人斥垣衍帝秦之論物不失舊大少康祀夏之功非固狗管見臆決之私直欲還天理人心之正采諸儒之遺說更再世以成書小道或有可觀多見其不知量僅足廁兔園之列詎敢追麟筆之餘藏名山副在京師論次愧十年之作閱書林幸乎東觀燕間裨七夜之觀所有臣編次續後漢書紀表列傳載記總計四十二卷謹繕寫成八冊隨表上進以聞臣常誠惶誠恐頓首頓首謹言

續後漢書目錄

常謹案前史藝文志謂班固史為漢書范曄史為後漢書昭烈繼獻帝而作其書宜曰續後漢書

帝紀二卷

第一 上下

昭烈皇帝

第二

少帝

年表二卷

第一

建安以來諸侯表

第二

章武以來吳魏表

列傳十八卷

第一

昭烈甘皇后

昭烈穆吳皇后

昭烈孫夫人

少帝敬哀張皇后

少帝張皇后

少帝李昭儀

甘陵王永

安平悼王理

太子璿

北地王湛

第二

陳登

袁渙

邴原

陸績

第三

諸葛亮上

諸葛亮下子喬

第四

關羽

張飛

馬超

黃忠

趙雲陳到

第五

龐統

法正

徐庶

董和胡濟

劉巴

第六

許靖

麋竺 孫乾

簡雍

伊籍

秦宓

馬良

鄧芝

宗預 廖化

第七

陳震

董允 陳祇董恢

呂乂 杜祺劉幹

楊洪 何祇

楊顛

姚佃 馬勳馬齊

王謀 賴恭恭子衣何宗習禎殷觀

董厥 樊建

第八

劉封 孟達

彭義

廖立

李平

劉琰

馬謖

魏延

楊儀 兄慮

第九

蔣琬 劉敏

費禕

李福

第十

霍峻 子弋

王連

向朗 兄子寵

張裔

吳懿 族弟班

費詩

李朝

第十一

黃權 子崇

李恢

王平 句扶

呂凱 王伉

馬忠

張嶷

第十二

姜維

張翼

王嗣

第十三

楊戲

許慈 胡潛

孟光

來敏

尹默 李譔陳術

郤正

第十四

譙周 黃皓

第十五 孝友

李宓

孟宗

陳表

張範

第十六 忠義

金禕 耿紀韋晃吉本本于邈邈弟穆

魏諷

傅彤 子僉

諸葛瞻 子尚

程畿

嚴顏

杜德 秦旦張羣黃強

邵疇

常播

張悌

石偉

第十七

隱逸

管寧

張旉

焦先

扈累

杜微

劉穎

第十八

方技

李意其

周羣

吳範 魏滕

趙達

劉惇 葛衡

皇象

杜夔

馬鈞

朱建平

周宣 趙直

管輅

吳載記十一卷

第一

孫堅

孫策

孫權

第二

孫亮

孫休

孫皓

孫登 謝景

孫和

孫靜 峻 琳 瑜 皎 英 張 梁

孫賁 弟 輔

孫翊 弟 匡

孫韶

第三

劉繇

太史慈

士燮

朱治

第四

張昭 子承休

顧雍 子邵邵子譚孫邵

諸葛瑾 子恪聶友

第五

張紘

步騭

嚴畯 裴元程秉

闕澤 唐固

薛綜

是儀

胡綜

第六

周瑜

魯肅

呂蒙

第七

程普 韓富

黃蓋

蔣欽 徐盛

周泰

陳武 子脩脩弟表

董襲 凌統

甘寧

潘璋 丁奉

第八

朱然 施續

朱桓 子異

呂範 子據

賀齊 孫邵

第九

潘濬

吳岱 徐原

全琮 駱統

周魴

鍾離牧

留贊

第十

陸遜 子抗弟瑁族子凱

第十一上

虞翻

張溫 暨豔

韋昭

王蕃 樓元

華覈

吾粲 朱據

滕允

第十一下

趙咨

沈珩

鄭泉

馮熙

陳化

李衡 谷利

魏載記九卷

第一

曹操

曹丕

曹叡 叡子芳丕孫髦操孫奂

第二

曹彰 弟植沖

曹仁

曹洪

曹真

子爽

曹休

夏侯惇

族弟淵淵從子尚尚子元

第三

荀彧

華歆

賈詡

劉曄

董昭

荀攸

程昱

蔣濟

第四

鍾繇

子毓會

陳矯

徐宣衛臻

杜畿

子恕

陳羣

子泰

盧毓

鄭渾

第五

王朗

子肅

王粲

徐幹陳琳孔璋阮瑀應瑒劉楨

王弼

衛覬

劉劭

崔林

高堂隆

傅嘏

楊俊

第六

崔琰

鮑勛

胡質

裴潛

毛玠

徐邈

桓階

梁習

司馬朗

第七

田疇

王脩

常林

和洽

楊阜

辛毗

第八

賈逵

蘇則

任峻

張既

杜襲

高柔

劉放

第九

張遼

樂進李典
臧霸

張郃

龐德

許楮典韋
閻溫龐涪

文聘

呂虔

滿寵

田豫郭淮

王凌

毋邱儉文欽
諸葛誕

王昶

王基

鄧艾

義例

音義四卷

續後漢書目錄終

續後漢書卷一上

墨海金壺 史部

宋 蕭常 撰

帝紀第一上

昭烈皇帝諱備字元德景帝子中山靖王勝之後也勝子貞
 元朔二年封陸城侯因家於涿郡祖雄舉孝廉官至東郡范
 令父宏亦仕州郡昭烈生於桓帝延熹四年少孤與母販履
 織席自給舍東南有桑高五丈童童如車蓋或謂當出貴人
 昭烈與諸兒戲桑下曰吾當乘此羽葆車叔父子敬謂曰母
 妄言滅吾門也年十五母使行學與同宗劉德然遼西公孫
 瓚師事故九江太守同郡盧植德然父元起給其貲用與德
 然等元起妻有難色元起曰吾宗有此兒非常人也而瓚亦

與友善昭烈不甚樂讀書喜狗馬音樂美丰儀身長七尺五寸垂手過膝顧自見其耳寡語言善下人喜怒不形於色好交豪俠年少爭附之中山大賈張世平蘇雙等貲累千金見而異之多遺之金以故得合其衆靈帝中平元年黃巾賊帥張角起魏郡遣八使假善道以化天下陰相連結自稱黃天分三十六部部各萬人一時俱發天下響應州郡各舉義兵昭烈帥其屬從校尉鄒靖討黃巾有功除中山安喜尉其後有詔罷免軍功爲吏者昭烈亦在遣中頃之大將軍何進遣都尉毋邱毅募兵丹陽昭烈與俱至下邳遇賊力戰有功除下密丞復去官中平末至京師會董卓之亂義兵起昭烈亦聚衆從討卓後爲高唐令縣爲賊所殘往奔幽州公孫瓚瓚表爲別部司馬使與青州刺史田楷拒冀州牧袁紹數有戰功試守平原並領平原相郡人劉平素與昭烈有隙恥爲之下結客刺之客不忍語之而去歲大饑民苦鈔暴昭烈外禦寇難內振貧乏士之至者必與同席而坐同器而食衆多歸焉北海相孔融屯都昌爲賊管亥所圍遣太史慈來告急昭烈曰孔北海知世間有劉備耶卽遣精兵三千赴之賊尋解散袁紹攻公孫瓚昭烈與田楷東屯齊獻帝初平四年曹操攻徐州陶謙遣使告急於楷楷與昭烈救之時昭烈有兵千餘及幽州烏丸雜胡騎又得飢民數千人旣至謙以丹陽兵數千益之昭烈遂去楷歸謙表爲豫州刺史屯小沛興平元年春操引兵還夏操復遣荀彧程昱等攻豫州昭烈爲彧

等所敗冬謙病篤謂別駕麋竺曰非劉元德不能安此州謙
卒竺帥州人迎昭烈昭烈固辭典農校尉下邳陳登進曰漢
室凌遲海內傾覆立功立事正在今日此州殷富戶口百萬
欲屈使君撫臨之昭烈曰袁公路近在壽春此君四世五公
海內所歸宜以州與之登曰公路驕豪非治亂之主今欲爲
使君合步騎十萬上可以輔王濟民成五伯之業下可以割
地守境書功竹帛惟使君幸聽登言孔融亦謂昭烈曰袁公
路豈憂國忘家者耶家中枯骨何足介意今日之事百姓與
能天與不取悔不可追昭烈遂領徐州陳登遣使以奉昭烈
之意告袁紹紹曰劉元德宏雅有信義今徐州樂戴之誠副
所望也二年二月董卓餘衆李傕郭汜相攻三月李傕脅天
子幸其營四月郭汜攻李傕傕移天子幸北塢張濟自陝來
和傕汜秋七月車駕東歸楊定董承等侍送八月至新豐冬
十月郭汜遣兵來逼乘輿楊定楊奉與戰破之十一月傕汜
等追乘輿戰於東澗王師敗績車駕幸曹陽楊定董承引韓
暹李樂等帥師奉迎與傕等戰破之十二月車駕乃進傕等
復來追王師大敗進幸陝北渡河至安邑是歲孫策始據江
東建安元年五月改元夏袁術來攻昭烈使司馬張飛守下
邳自將拒術於盱眙淮陰相持累月下邳相曹豹陶謙故將
也與飛相失飛殺之城中乖亂術與呂布書勸令襲下邳布
卽引軍東下中郎將丹陽許耽反迎之飛敗走昭烈失其孥
轉軍海西遣使與布連和布亦憤術轉餉不繼乃召昭烈還

其孥復以爲豫州刺史與并力擊術昭烈屯小沛秋七月車駕至雒陽曹操表昭烈爲鎮東將軍封宜城亭侯八月操自領司隸校尉錄尚書事操殺侍中臺崇尚書令馮碩等以衛將軍董承爲輔國將軍庚申天子遷都於許冬曹操自爲司空百官總已以聽袁術遣其將紀靈等步騎三萬復來攻昭烈求救於呂布布帥步騎千餘來援靈等聞布至皆斂兵布要靈等與昭烈釋憾遂各解去昭烈合兵復得萬餘人布銜之自來攻昭烈復敗因詣曹操操厚遇之表爲豫州牧與俱至沛收散卒給其糧益與之兵使東擊布
二年春袁術僭號於淮南秋曹操大敗之術走渡淮韓暹楊奉寇掠徐揚間昭烈要擊盡斬之

三年夏呂布復與袁術通使其中郎將高順騎都尉張遼來攻曹操使夏侯惇來救不利九月順破沛城昭烈脫身去復失其孥十月曹操自引兵助昭烈圍布於下邳禽之昭烈復得其孥從操還許操表爲左將軍是歲天子遣謁者裴茂帥諸將誅李傕夷三族郭汜爲其將伍習所殺

四年夏袁術欲繇徐州北從袁紹曹操遣其將朱靈從昭烈要擊之程昱郭嘉聞昭烈行言於操曰劉備不可縱操悔追之不及昭烈之未東也與帝舅車騎將軍董承偏將軍王服吳子蘭越騎校尉种輯等受天子衣帶中密詔誅操操未之知從容謂昭烈曰今天下英雄惟使君與操耳本初之徒不足數也昭烈謂事泄方食失匕箸時適雷震因謂操曰聖人

云迅雷風烈必變良有以也一震之威乃至是耶遂與承等合謀會東出未發術病死昭烈遂據下邳朱靈等還昭烈乃殺操徐州刺史車胄留關羽守下邳身還小沛郡縣多叛操爲昭烈守有衆數萬遣孫乾與袁紹連和操使其將劉岱王忠來攻昭烈大敗之

五年春董承等事覺曹操殺承等夷其族操欲自來攻其下皆曰與公爭天下者袁紹也今棄紹而東若何操曰劉備人傑也今不擊必爲後患袁紹雖有大志而見事遲必不動也遂來攻昭烈敗績操收其孥并獲關羽以歸昭烈趣青州青州袁譚昭烈故茂才也將步騎來迎因至平原譚馳使白紹紹去鄴二百里奉迎父子傾心敬之月餘所失亡士卒稍稍

來集曹操與紹相拒於官渡汝南黃巾劉辟等叛操與紹紹遣辟等從昭烈狗許下關羽來歸操使曹仁等來拒昭烈還紹軍知紹無成陰規去計乃說紹南連荊州牧劉表昭烈遂將其兵至汝南汝南賊龔都帥衆降合數千人操使其將蔡陽來攻昭烈大破之臨陣斬陽是歲紹與操相持於官渡紹軍大潰孫策卒弟權襲其業

六年春昭烈頓軍汝南秋曹操來攻昭烈遣麋竺等與劉表相聞表郊迎之待以上賓之禮益其兵使屯新野荊州豪傑歸之日益多表疑焉使拒夏侯惇于禁等於博望久之昭烈設伏僞遁惇等追之大爲伏兵所破昭烈嘗於表坐起如廁顧見其髀裏肉生慨然流涕還席表怪問之昭烈曰平時身

不離鞍髀裏肉消今不復騎髀肉遂生日月若馳老將至矣而功業不建是以悲耳

七年夏袁紹卒其子譚尙相攻

九年秋曹操破袁尙自領冀州牧

十年曹操敗袁譚於青州殺之

十一年曹操廢齊北海阜陵下邳常山甘陵濟陰平原八王除其國

十二年曹操北攻烏丸昭烈說劉表襲許表不能用及操自柳城還表謂昭烈曰不用公言失此大機昭烈曰今天下分裂日尋干戈事會之來豈有旣哉若能應之於後則此未足爲恨也是歲始用南陽人諸葛亮

十三年夏曹操自爲丞相秋八月操殺大中大夫孔融夷其族操攻劉表會表卒其子琮代立屯襄陽昭烈屯樊九月操軍至新野琮遣人約降昭烈不虞操之卒至遂將其衆去諸葛亮徐庶等並從昭烈過襄陽亮說昭烈攻劉琮荆州可有昭烈曰吾不忍也乃駐馬呼琮琮懼不能去遂降於操琮左右及荆州人多歸昭烈比到當陽衆十餘萬輜重數千兩日行十餘里別遣關羽乘船數百艘使會江陵或謂昭烈宜速行保江陵今雖擁大衆被甲者少若操兵至何以拒之昭烈曰夫濟大事必以人爲本今人歸吾吾何忍棄去操以江陵有軍實恐昭烈據之乃輕軍到襄陽聞昭烈已過卽以精騎五千來追一晝夜行三百餘里及於當陽之長阪昭烈兵不

利乃棄其孥與諸葛亮張飛等數十騎從間道走漢津適與羽船會得濟沔會劉表長子江夏太守琦衆萬餘人未有所鄉乃與俱至夏口先是孫權遣魯肅弔劉表二子并令與昭烈相結肅未至而操已向荆州肅與昭烈遇於當陽因致權意且謂昭烈曰孫討虜聰明仁惠敬賢禮士據有六郡兵精糧多足以立事今爲君計莫若自結於東共濟世業昭烈喜既至夏口卽遣亮隨肅詣權且請兵擊操權遣周瑜程普等水軍數萬會昭烈十二月昭烈以其衆會吳師及操戰於赤壁大敗之盡焚其舟艦操走昭烈復與吳師水陸俱進追至南郡時操軍復饑疫死者大半操之北走也留曹仁等守南郡昭烈屯油江口表劉琦爲荆州刺史分遣諸將南徇四郡

武陵太守金旋長沙太守韓元桂陽太守趙範零陵太守劉度皆舉郡降廬江營帥雷緒帥衆數萬來歸以諸葛亮爲軍師中郎將使督零陵桂陽長沙三郡調其租賦以充軍實十四年冬曹仁等敗委城北走周瑜領南郡太守屯江陵昭烈表孫權行車騎將軍領徐州牧會劉琦卒羣下推昭烈領荆州牧治公安權進其妹於昭烈

十五年昭烈會孫權於京口於是盡有荆州之地是歲權遣使來告欲共取蜀或以爲宜聽許吳終不能越荆以有蜀蜀地可爲吾有荆州主簿殷觀進曰若爲吳先驅進未能克蜀退爲吳所乘卽事去矣今但可贊其伐蜀而以新得諸郡未可發兵爲解吳必不敢越我而獨取蜀如此進退之計兩得

昭烈從之權果輟計遷觀別駕從事

十六年春曹操自以其子丕爲五官中郎將爲丞相副益州牧劉璋聞操將遣鍾繇等向漢中攻張魯大恐別駕從事蜀郡張松說璋曰曹操兵強無敵於天下若因張魯之資以取蜀誰能禦之璋曰吾固憂之而未知所出松曰劉豫州使君之肺腑而曹操之深讎也且善用兵若使之討魯魯必破魯破則益州強操雖來無能爲也璋然之主簿黃權固爭不可從事廣漢王累倒懸於州門以諫璋皆不納使其郡校尉法正帥兵四千人迎昭烈敕所在供奉前後賂遺以巨億計正因陳益州可取之策治中從事龐統亦說昭烈曰荊州荒殘人物凋瘁東有孫權北有曹操難以得志今益州國富兵強

戶口百萬寶貨山積可借此以定大事昭烈曰今與吾水火者曹操也操以急吾以寬操以暴吾以仁操以譎吾以正事乃可成今以小故而失信義於天下吾所不取統曰權變從時固非一道所能盡兼弱攻昧五伯之事逆取順守報之以義事定之後封以大國何負於信今日不取終爲人利耳昭烈遂行留諸葛亮關羽等守荊州自將步卒萬人入益州至涪璋自出迎張松使法正啓昭烈龐統亦進說可於會襲璋昭烈曰初入其國恩信未孚此大事不可倉卒璋推昭烈行大司馬領司隸校尉昭烈亦推璋行鎮西大將軍領益州牧璋於是益昭烈兵使擊張魯又領督白水軍昭烈并軍三萬餘人車甲器械資貨甚盛璋還成都昭烈北至葭萌未卽討

魯厚施恩德以結民心是歲孫權徙至秣陵

十七年春曹操矯天子命贊拜不名人朝不趨劔履上殿如蕭何故事冬操攻孫權權遣使來告急昭烈使謂璋曰曹操攻吳吳憂危急孫氏與孤本爲唇齒又樂進在青泥與關羽相拒今不往救羽進必大克轉畧州境其憂有甚於張魯魯自守之賊不足慮也乃從求益萬兵及軍資欲東行璋許兵四千餘所求皆給半張松書與昭烈及法正曰今大事垂立何爲釋此去乎松兄廣漢太守肅懼禍及白璋發其謀於是璋收斬松嫌隙始開矣璋赦關成諸將文書勿使關通昭烈昭烈大怒召璋白水軍督楊懷高沛責以無禮斬之乃使黃忠卓膺勒兵攻璋昭烈徑至關中質諸將并士卒妻子引兵

與忠膺等進至涪據其城璋使劉瓚冷苞張任鄧賢等拒於涪瓚等皆敗退保緜竹

十八年春劉璋復使李嚴督緜竹諸軍嚴帥衆降昭烈兵益張分遣諸將平定郡縣進圍雒城諸葛亮張飛趙雲等將兵沂江定白帝江州江陽惟關羽畱鎮荊州是歲曹操自爲魏公加九錫又以其三女爲天子貴人

十九年夏拔雒城進圍成都征西將軍馬超以其衆自漢中來歸拜平西將軍圍城數十日劉璋出降遷之於南郡公安時蜀中殷富昭烈大饗士卒取城中貲財分賜將士而還其穀帛昭烈復領益州牧諸葛亮爲股肱法正爲謀主關羽張飛馬超爲爪牙許靖麋竺簡雍爲賓客如董和黃權李嚴皆

璋之所信用吳懿費觀等又璋之姻戚而劉巴輩亦宿昔之所忌恨皆處之顯任盡其器能有志之士無不兢勸十一月曹操弒皇后伏氏滅其族并殺二皇子昭烈聞之發喪制服曰老賊不死禍亂未已操又自置旄頭宮殿設鐘虡是歲分廣漢爲梓潼郡

二十年春曹操自以其女爲天子皇后又矯制命已承制封拜諸侯守相孫權以昭烈已得益州來求荊州昭烈曰須得涼州當以荊州相與權怒乃遣呂蒙襲奪長沙零陵桂陽三郡昭烈帥師五萬下公安關羽入益陽秋曹操取漢中張魯走巴西孫權請和分荊州之江夏長沙桂陽東屬南郡零陵武陵西屬引軍還江州冬遣黃權帥師迎張魯未至魯已降操操還令夏侯淵張郃屯漢中郃等數犯巴境昭烈遣張飛帥師進次宕渠與郃等戰於瓦口大敗之郃等收餘衆走南鄭昭烈亦還成都

二十一年夏曹操自進號魏王秋操殺琅邪王熙除其國二十二年夏曹操僭天子旌旗出警入蹕冬操冕十有二旒乘金根車駕六馬設五時副車又自以其子丕爲魏太子昭烈帥諸將進兵漢中遣將軍張飛馬超吳蘭屯下辨操使其將曹洪等來拒

二十三年春正月京兆金禕太醫令吉本少府耿紀丞相司直韋晃等憤曹操竊國起兵誅之不克夏昭烈分遣吳蘭雷同等入武都爲操軍所敗蘭死之昭烈次於陽平討夏侯淵

張郃

續後漢書卷一上終

續後漢書卷一下

帝紀第一下

二十四年春正月昭烈自陽平南渡沔水緣山稍前營於定軍興勢淵等帥其衆來拒昭烈使討虜將軍黃忠乘高鼓譟攻之大破其軍臨陣斬淵及操所遣益州刺史趙顛等張郃走三月曹操帥其衆自長安入斜谷昭烈曰操雖來無能爲也我必有漢中矣及操至昭烈堅壁以老其師操軍士降者日益多乃遣將軍趙雲擊之操軍大敗墮漢水死者萬數夏五月操悉軍走昭烈遂有漢中遣孟達自秭歸北攻操之房陵殺其守蒯祺又遣劉封孟達李平等攻申耽於上庸耽舉郡降秋七月羣下上昭烈爲漢中王表於天子曰平西將軍

都亭侯臣馬超左將軍長史鎮軍將軍臣許靖管司馬臣龐
羲議曹從事中郎將臣射援軍師將軍臣諸葛亮盪寇將軍
漢壽亭侯臣關羽征虜將軍新亭侯臣張飛征西將軍臣黃
忠鎮遠將軍臣賴恭揚武將軍臣法正興業將軍臣李嚴等
一百二十人言曰昔唐堯至聖而四凶在朝周成仁賢而四
國作難高后稱制而諸呂竊命孝昭幼冲而上官逆謀皆憑
世寵藉履國權窮凶極亂社稷幾危非大舜周公朱虛博陸
則不能流放禽討安危定傾伏惟陛下誕資聖德統理萬邦
而遭厄運不造之艱董卓首難蕩覆京畿曹操階禍竊執天
衡皇后太子並罹弑虐剝亂天下殘毀民物久令陛下蒙塵
憂厄幽處虛邑人神無主遏絕王命厭昧皇極欲盜神器左

將軍領司隸校尉豫荆益三州牧宜城亭侯備受朝爵秩念
在輸力以徇國難覩其機兆赫然憤發興車騎將軍董承同
謀誅操將安國家克寧舊都會承機事不密令操游竟得遂
長惡殘泯海內臣等每懼王室大有閹樂之禍小有安定之
變夙夜惴惴戰栗累息昔在虞書崇敘九族周監二代封建
同姓詩著其義歷載長久漢興之初割裂疆土尊王子弟是
以卒折諸呂之難而成太宗之基臣等以備肺腑枝葉宗子
藩翰心在國家念在弭亂自操破於漢中海內英雄望風蟻
附而爵號不顯九錫未加非所以鎮衛社稷光昭萬世也奉
辭在外禮命斷絕昔河西太守梁統等值漢中興限於山河
位同權均不能相帥咸推竇融以爲元帥卒立效績推破隗

鬻今社稷之難急於隴蜀操外吞天下內殘羣僚朝廷有蕭
墻之危而禦侮未建可爲寒心臣等輒依舊典封備漢中王
拜大司馬董齊六軍糾合同盟掃滅凶逆以漢中巴蜀廣漢
犍爲爲國所署置依漢初諸侯王故典夫權宜之制苟利社
稷專之可也然後功成事立臣等退伏矯制之罪雖死無恨
遂於沔陽設壇場陳兵衆羣臣陪位讀奏訖御王冠於昭烈
昭烈上言天子曰臣以具臣之才荷上將之任董督三軍奉
辭於外不能掃除寇難靖安王室久使陛下聖教陵遲六合
之內否而未泰惟憂反側疾首曩者董卓首爲亂階自
是之後羣凶縱橫殘剝海內賴陛下聖德威靈人神相應或
忠義奮討或上天降罰暴逆並殪惟獨曹操久未梟除侵擅

國權恣心極亂臣昔與車騎將軍董承協謀討操機事不密
承見陷害臣播越失據忠義不果遂使操窮凶極逆至后遇
弑皇子被害雖糾合同盟念在奮力而懦弱不武歷年未效
常恐殞歿孤負國恩寤寐永嘆夕惕若厲今臣羣僚以爲在
昔虞書崇敘九族庶明厲翼五帝損益此道不廢周監二代
並建諸姬實賴晉鄭夾輔之福高祖龍興尊王子弟大啓九
國卒斬諸呂以安太宗今操惡直醜正寔繁有徒包藏禍心
篡盜已顯旣宗社微弱帝族無位斟酌古式依假權宜上臣
大司馬漢中王臣伏自三省受國厚恩荷任一方陳力未效
所獲已多不宜復忝高位以重罪謗羣臣見逼迫臣以義臣
退惟寇賊不梟國難未已宗廟傾危社稷將墜誠臣憂嘗碎

首之負若應權通變以寧靖聖朝雖赴水火所不得辭敢慮常宜以防後悔輒順衆議拜受印璽以崇國威仰惟爵號位高寵厚俯思報効憂深責重驚怖累息如臨於谷盡力輸誠獎厲六師率齊羣義應天順時撲討凶逆以寧社稷以報萬分謹拜章因驛上還所假左將軍宜城亭侯印綬於是還治成都以許靖爲太傅法正爲尙書令關羽爲前將軍張飛爲右將軍馬超爲左將軍黃忠爲後將軍投魏延爲鎮遠將軍領漢中太守鎮漢中九月曹操相國西曹掾濟陰魏諷等憤操將篡漢欲舉兵誅之事泄爲操所害是歲前將軍關羽帥師攻曹仁於樊操遣于禁等七軍救之羽大破禁軍盡虜禁等步騎三萬送江陵又斬其將龐德等梁郊陸渾羣豪皆輸欵於羽時羽威震華夏自許以南郡縣皆應羽操懼議徙都以避之會孫權襲殺羽取荊州

二十五年春正月曹操死子丕自爲丞相魏王冬十月曹丕篡帝位於繁陽國號魏改元黃初廢天子爲山陽公或傳天子遇害王乃發喪制服時所在言祥瑞者相屬將軍孟達叛奔於魏殺副軍將軍劉封十二月曹丕遷於雒陽是歲後將軍黃忠尙書令法正卒

章武元年春故議郎陽泉侯劉豹青衣侯向舉偏將軍張裔黃權大司馬屬殷純益州別駕從事趙祚治中從事楊洪從事祭酒何宗議曹從事杜瓊勸學從事張爽尹默譙周等上言臣謹按雒書甄曜度曰赤三日德昌九世會備合爲帝際

雒書寶號命曰天度帝道備稱皇以統握契百成不敗雒書錄運期曰九侯七傑爭命民炊骸道路藉藉履人頭誰使王者元且來臣父羣未亡時言西南數有黃氣直立數丈見來積年時時有景雲祥風從璿璣下來應之此爲異瑞又二十二年中數有氣如旗從西竟東中天而行圖書曰必有天子出其方是年太白熒惑填星常從歲星相迫先漢初興五星從歲星謀歲星主義漢位在西義之上方故漢法常以歲星候人主當有聖主起於此州以致中興時許帝尙存故羣下不敢漏言頃者熒惑復迫歲星見在胃昴畢昴畢爲天網經曰帝星處之衆邪消亡聖諱豫覩推察期驗符合數至若此非一臣聞聖王先天而天不違後天而奉天時故應際而生

與神合契願大王應天順人速卽洪業以寧海內太傅許靖安漢將軍麋竺軍師將軍諸葛亮太常賴恭光祿勳黃柱少府王謀等上言曹不篡弑湮滅漢室竊據神器劫迫忠良酷烈無道人鬼忿毒咸思劉氏今上無天子海內皇皇靡所式仰羣下前後上書者八百餘人咸稱述符瑞圖讖明驗黃龍見武陽赤水九日乃去孝經援神契曰德至淵泉則黃龍見龍者君之象也易乾九五飛龍在天大王當龍升登帝位也又前關羽圍樊襄陽襄陽男子張嘉王休獻玉璽璽潛漢水伏於淵泉暉景燭耀靈光徹天夫漢者高祖本所起定天下之國號也大王襲先帝軌跡亦興於漢中今天子玉璽神光先見璽出襄陽漢水之末明大王承其下流授大王以天子

之位瑞命符應非人力所致昔周有烏魚之瑞咸曰休哉二祖受命圖書先著以爲徵驗今上天告祥羣儒英俊考述河雒讖記咸至於廷伏惟大王出自孝景皇帝中山靖王之胄本支百世乾祇降祚聖姿碩茂神武在躬仁覆德積愛人好士是以四方歸心焉考省靈圖啓發讖緯神明之表名諱昭著宜卽帝位以纂二祖紹嗣昭穆天下幸甚臣等謹與博士許慈議郎孟光定禮儀擇令辰上尊號夏四月卽皇帝位於成都燔柴告天其祝文曰維建安二十六年夏四月丙午皇帝臣備敢用元牡昭告皇天上帝后土神祇漢有天下歷數無疆曩者王莽篡盜光武皇帝震怒致誅社稷復存今曹操阻兵安忍虐弑王后滔天泯夏罔顧天顯操子不載其凶逆

籍居神器羣臣將士以爲社稷隳廢備宜脩之嗣武二祖恭行天罰備惟否德懼忝帝位詢于庶民外及蠻夷君長僉曰天命不可以不答祖業不可以久替四海不可以無主率土式望在備一人備畏天明命又懼漢邦將湮于地謹擇元日與百僚登壇受皇帝璽綬脩燔瘞告類于天神惟神饗祚于漢家永綏四海於是建元爲章武大赦天下以軍師諸葛亮爲丞相太傅許靖爲司徒置百官立宗廟祫祭高皇帝以下五月立妃吳氏爲皇后立子禪爲皇太子六月立子永爲魯王理爲梁王車騎將軍張飛爲其下所殺初帝憤孫權之襲關羽秋七月車駕東征孫權遣使納款帝怒不許權乃使其將陸議李異等屯巫秭歸以拒王師將軍吳班馮習自巫攻

破異等軍次秭歸四萬餘人武陵五谿蠻夷遣使請助討權是歲曹丕封權為吳王權遷於武昌

二年春正月將軍吳班陳式水軍屯夷陵夾江東西岸二月行自秭歸敕諸將進軍緣山截嶺營於夷道猓亭自佷山通武陵遣侍中馬良宣慰五谿蠻夷咸相帥響應鎮北將軍黃權督江北諸軍拒吳軍且備魏寇夏六月黃氣見自秭歸十餘里中廣數十丈王師敗績於猓亭將軍馮習張南等死之鎮北將軍黃權以道梗沒於魏帝自猓亭至秭歸收合離散陸行還魚復改魚復縣曰永安八月司徒許靖薨冬十月詔丞相亮營南北郊於成都孫權聞車駕猶駐白帝大懼十二月復遣其大中大夫鄭泉來納款許之遣大中夫夫宗璋如

吳帝不豫漢嘉太守黃元聞之舉兵反是歲驃騎將軍馬超薨尚書令劉巴卒

三年春三月黃元犯臨邛縣遣將軍陳習討之元伏誅帝疾革丞相亮尚書令李嚴並受遺詔輔皇太子夏四月癸巳帝崩於永安宮時年六十三遺詔百官發哀滿三日除服到葬期服如禮其郡國守相都尉令長三日便除五月梓宮至自永安秋八月葬惠陵諡曰昭烈皇帝帝寬仁大度知人善任使有高帝之風臣下雖有顯過必曲意原貸待關羽張飛如親父子一見諸葛亮違衆用之遂成帝業又性儉約嘗毀帳鉤銅以鑄錢非軍功不妄賜予以故國用不至匱乏初入益州丞相掾趙戩問於徵士傅幹曰劉元德其濟乎幹曰元德

續後漢書卷一
寬仁有度能得人死力諸葛亮達治知變正而有謀而爲之
相關羽張飛勇而有義皆萬人敵而爲之將此三人者皆人
傑也以元德之畧三傑佐之何爲不濟事馬謖有盛名亮每
器之帝謂亮曰馬謖言過其實不可大用亮不以爲然後竟
有街亭之敗

贊曰漢承秦慘刻之後高文以寬仁結人心淪浹旣久牢不
可解雖中更禍變而人之謳吟思漢不絕于口世祖因之卒
復舊物重以章帝惠及胎養培植益固靈獻之際可謂大壞
極亂矣而一時英雄擁兵負固者猶以劉氏藉口昭烈父子
以帝室支屬介在一隅而正位號尙數十年由先漢至是垂
祀五百三代以還蓋未之有人主之結人心其效迺爾有大
物者庸可忽諸

續後漢書卷二

少紀第二

少帝諱禪字公嗣昭烈皇帝子也建安二十四年昭烈爲漢中王立爲王太子及卽尊位爲皇太子策曰維章武元年五月辛巳皇帝若曰太子禪朕遭漢運艱難賊臣篡盜社稷無主格人羣臣以天明命朕繼大統今以禪爲皇太子以承宗廟社稷使使持節丞相亮授印綬敬聽師傅行一物而三善皆得焉可不勉與三年夏四月昭烈崩於永安宮遺詔皇太子曰人五十不稱夭吾年六十有餘何所復恨第以汝兄弟爲念射君到說丞相歎卿器量甚大增脩過於所望審能如是吾復何憂勉之勉之勿以惡小而爲之勿以善小而不爲

惟賢惟德能服於人汝父德薄勿效之可讀漢書禮記閑暇
歷觀諸子益人意智五月卽皇帝位尊皇后曰皇太后大赦
天下改元建興孫權遣其立信校尉馮熙來弔牂牁太守朱
褒反益州郡大姓雍闓逐太守張裔於吳據郡勿賓越雋夷
王高定亦叛秋立皇后張氏遣尙書郎鄧芝如吳
二年春務農殖穀閉關息民夏孫權遣其輔義中郎將張溫
來聘秋曹丕侵吳不克而還

三年春三月丞相亮南征四郡四郡皆平改益州郡爲建寧
郡分建寧永昌郡爲雲南郡又分建寧牂牁郡爲興古郡十
二月亮還成都是歲曹丕侵吳及江而還

四年春都護李嚴自永安還屯江州築大城夏曹丕死其子
叡嗣僞位是歲大司農秦宓卒

五年春將征曹叡詔曰蓋聞天地之道福仁而禍淫善積者
昌惡積者喪古今常數也是以湯武脩德而王桀紂極暴而
亡曩者漢祚中微網漏凶慝董卓首難震蕩京畿曹操階禍
竊執天衡殘剝海內懷無君之心子丕孤豎敢尋亂階盜據
神器更姓改物世濟其凶當此之時皇極幽昧天下無主則
我帝命隕越于下昭烈皇帝體明睿之德光演文武應乾坤
之運出身平難經營四方人鬼同謀百姓與能兆民忻戴建
位易號丕承天序補弊興衰存復祖業誕振玉綱不墜于地
萬國未靖蚤世退俎朕以幼冲繼統鴻基未習保傅之訓而
嬰祖宗之重六合壅否社稷不建永惟所以念在正救光載

前緒未有攸濟朕甚懼焉是以夙興夜寐不敢自逸每崇菲薄以益國用勸分務穡以阜民財授方任能以參聽斷絕私降意以養將士欲奮劔長驅以討凶逆朱旗未舉而不復隕喪斯謂不燃我薪而自焚也殘類餘醜又支天禍恣睢河洛阻兵未已諸葛丞相宏毅忠壯忘身憂國先帝託以天下以勵朕躬今授之以旄鉞之重付之以專命之權統領步騎二十萬衆董督元戎恭行天罰除患寧亂克復舊都在此行也昔項籍總一強衆跨州兼土所務者大然卒敗垓下死於東城宗族如焚爲笑千載蓋不以義陵上虐下故也今賊效尤天人所怨奉時宜速庶憑炎精祖宗威靈協贊之福所嚮必克吳王孫權同卹災患潛軍合謀犄角其後涼州諸國王各

遣月支康居吳侯支富康植等二十餘人詣受節度大軍北出便欲帥將兵馬奮戈先驅天命旣集人事又至師貞勢并必無敵矣夫王者之兵有征無戰尊而且義莫能抗也故鳴條之役軍不血刃牧野之師商人倒戈今於麾首路其所經至亦不欲窮兵極武有能棄邪從正簞食壺漿以迎王師者國有常典封寵小大各有品限及曹氏之宗族枝葉中外有能規利害審逆順之數來降者皆原除之昔輔果絕親于知氏而蒙全宗之福微子去商項伯歸漢皆受茅土之慶此前世之明驗也若其沉迷不反將助亂人不式王命戮及妻孥罔有攸赦廣宣恩威誅其渠魁弔其殘民它如詔書律令亦相其露布天下使稱朕意焉亮出屯漢中營沔北陽平石馬

是歲放長水校尉廖立於汶山郡

六年春丞相亮帥諸軍攻祁山安南天水安定三郡皆降關中響震亮使參軍馬謖督諸軍與曹叅將張郃等戰于街亭謖違亮節度王師敗績亮誅謖以徇冬復出散關圍陳倉斬曹叅將王雙是歲孫權大破曹叅將曹休於石亭

七年春遣將軍陳式攻武都陰平克之因定二郡夏孫權僭號遷於建業遣使來告帝欲討權丞相亮極諫而止秋遣衛尉陳震如吳冬亮徙府營於南山下原上築漢樂二城是歲鎮軍將軍趙雲卒

八年秋曹叅使其將曹真由子午谷司馬懿由西城張郃由斜谷欲寇漢中丞相禦之於成固赤阪懿等聞王師起皆北

走鎮北將軍魏延大破曹叅雍州刺史郭淮於陽谿徙封魯

王永爲甘陵王梁王理爲安平王是歲輔漢將軍張裔卒

九年春二月丞相亮帥諸軍征曹叅圍祁山始以木牛運夏叅使其將司馬懿張郃拒王師六月亮與郃戰於青封殺之懿等帥衆衆遁去秋八月放都護李平於梓潼郡是歲孫權敗曹叅將王凌於阜陵安漢將軍李恢卒

十年休士勸農作流馬木牛肄兵講武

十一年冬發諸軍運米於斜谷治斜谷邸閣將以討曹叅孫權攻曹叅合肥新城是歲南夷劉胄反將軍馬忠討平之

十二年春二月丞相亮帥師十萬征曹叅由斜谷出始以流馬運車騎將軍劉琰有罪棄市三月孝獻皇帝崩亮屯渭南

曹叡使其將司馬懿拒王師懿畏亮不敢戰夏五月孫權攻曹叡合肥新城分遣其將攻淮沔秋七月丞相亮薨於渭南長史楊儀帥諸軍還楊儀殺征西大將軍魏延大赦天下以左將軍吳懿爲車騎將軍假節督漢中丞相留府長史蔣琬爲尙書令兼總機政是歲孫權遣其侍中是儀來聘

十三年春正月放中軍師楊儀于漢嘉郡尋殺之夏四月以尙書令蔣琬爲大將軍後軍師費禕爲尙書令

十四年夏四月行幸湔登觀阪觀汶水之流旬日而還武都氏王符健帥衆降徙健及氏民四百餘戶於廣都

十五年夏六月皇后張氏崩秋葬敬哀皇后於南陵是歲車騎將軍吳懿薨

延熙元年春正月立皇后張氏大赦天下改元立子璿爲皇

太子璠爲安定王冬十一月大將軍蔣琬出屯漢中

二年春三月以大將軍蔣琬爲大司馬曹叡死其養子芳嗣僞位越嶲夷獠數反太守僑治安定縣

三年春使越嶲太守張疑平定越嶲郡

四年夏孫權使其將全琮諸葛瑾等攻曹芳取相中冬十月尙書令費禕至漢中與大司馬蔣琬咨議國事

五年春正月監軍姜維督偏軍自漢中還屯涪縣

六年冬十月大司馬蔣琬自漢中還駐軍於涪十一月大赦

天下以尙書令費禕爲大將軍錄尙書事司馬姜維爲鎮西大將軍領涼州刺史前護軍王平爲前監軍鎮北大將軍統

漢中

七年春閏月曹芳使其將曹爽夏侯元冠漢中鎮北大將軍王平禦之於興勢大將軍費禕帥諸軍繼至爽等遁去夏四月安平王理薨秋九月禕還成都

八年秋八月皇太后崩冬葬穆皇后於惠陵十二月大將軍費禕至漢中行圍守

九年夏六月費禕還秋大赦天下冬十一月大司馬蔣琬薨尚書令董允卒宦人黃皓始與政

十年春以鎮西大將軍姜維爲衛將軍與大將軍費禕共錄尚書事衛將軍姜維帥師出隴西南安金城與曹芳將郭淮夏侯霸等戰於洮西涼州胡王白虎文治無載等帥衆降遣

姜維撫定居之于繁縣是歲汝山平康夷反維討平之左將軍特進向朗薨

十一年夏五月大將軍費禕出屯漢中秋涪陵屬國民夷反車騎將軍鄧芝討平之是歲鎮北大將軍王平薨

十二年春曹芳太傅司馬懿殺其大將軍曹爽等自是政歸于懿父子其右將軍夏侯霸來降夏四月大赦天下秋衛將軍姜維帥師討曹芳攻其雍州不克將軍句安李韶奔魏是歲鎮南大將軍平尚書事馬忠薨

十三年衛將軍姜維復出西平

十四年夏大將軍費禕還成都冬復北屯漢壽大赦天下曹芳太尉王凌憤司馬懿專國欲起兵誅之不果車騎將軍鄧

芝薨尚書令呂乂卒

十五年夏孫權死其子亮嗣偽位立子琮爲西河王十二月曹芳使其將諸葛誕胡遵等攻吳東興隄孫亮太傅諸葛恪大敗之死者萬數

十六年春正月大將軍費禕駐漢壽爲魏降人郭循所害夏四月衛將軍姜維帥師圍安南不克是歲孫亮使其太傅諸葛恪攻魏圍合肥新城其武衛將軍孫峻殺恪

十七年春二月衛將軍姜維還成都加都督中外諸軍事大赦天下夏六月衛將軍維帥師出隴西曹芳狄道長李簡舉城降進圍襄武與曹芳將徐質戰大破其軍質走維乘勝多所降下拔河間狄道臨洮三縣民居之於縣竹繁縣是歲魏

司馬師廢其王芳而立曹髦

十八年春正月曹髦將軍母邨儉文欽等憤司馬師專國起兵誅之不克衛將軍維還夏維復帥車騎將軍夏侯霸等征曹髦俱出狄道大破其雍州刺史王經於洮西俘斬數萬人十九年春以衛將軍姜維爲大將軍帥師與鎮西大將軍胡濟期會上邽以討曹髦濟後期不至秋王師敗績於段谷維還成都貶爲後將軍行大將軍事冬孫亮侍中孫綝殺其將軍滕允驃騎將軍呂據自爲大將軍十二月亮遣其五官中郎將刁元來告亂是歲立子璿爲新平王大赦天下

二十年夏五月曹髦司空諸葛誕憤司馬昭專國據壽春欲討昭不行大將軍姜維聞其變帥諸軍出駱谷大赦天下

景耀元年春姜維還成都復拜大將軍景星見大赦天下改元吳孫綝廢其王亮而立孫休冬孫休殺孫綝

二年夏六月立子諶為北地王恂新興王虔上黨王

三年夏五月魏司馬昭弒其王髦而立曹奐秋九月追諡故將軍關羽張飛馬超龐統黃忠

四年春三月追諡故將軍趙雲冬十月大赦天下

五年春正月西河王琮薨大將軍姜維帥師征曹奐王師敗績于侯和

炎興元年夏曹奐相國司馬昭使其黨鍾會鄧艾等寇漢中遣左右車騎將軍張翼廖化輔國大將軍董厥等禦之大赦天下改元冬司馬昭自為晉王十一月衛將軍諸葛瞻與鄧

艾戰於緜竹王師敗績瞻死之是月國亡明年春帝遷于維陽晉泰始七年崩時年六十五贊曰少帝任賢相則偽境懷畏一惑闇尹亂亡隨之傳曰存亡在所任信哉

續後漢書卷二終

續後漢書卷三

建安以來諸侯年表第一

東京之季羣雄蝟奮有地有民如古諸侯其事跡雖見於范曄漢史而所書類多疎畧陳壽國志又獨詳於曹氏覽者病於研究今自建安以來表著其事列於左方

漢	劉元德	劉璋	劉表	袁紹	袁術	孫策	曹操	呂布
豫州	益州	荊州	冀州	揚州	江東	兗州	徐州	

建安

元年

丙

初平末為豫州璋父焉靈初平元年初平二年初平四年興平元年領初平三年領是歲襲取刺史尋領徐州帝時領益詔為荊州以渤海太自領揚州父堅部曲二兗州牧是歲劉元德徐是歲為鎮東將州牧興平刺史遂有守督韓馥軍封宜成亭侯元年卒詔南漢取冀州遂夏州為呂布襲璋代領益有河北阿遂有江東又自為司空車騎將軍荀奪曹操表為豫州獻帝召

州牧

至 瓊為卿不

擊斬韓暹楊奉於徐揚間

子 丑 丁

呂布來攻十月與曹操攻布下邳斬之拜左將軍

拜大將軍

僭帝號於遣使脩貢詔討袁術僭逆淮南曹操封烏程侯以之罪擊之兵敗書書袁術僭號走渡淮

或勸迎天子遂遷許都

寅 三 戊

受帝衣帶中密詔誅曹操會表出不果

袁紹曹操憤曹操劫軍敗還壽襲劉勳取廬袁紹來攻操相攻不從制天子欲春憤死江江敗黃祖沙分兵守官渡

使張紘脩貢初置軍師祭據下邳為翁太史慈釋酒攻禽呂布劉元德曹而用之拜討逆將軍封吳侯

操所圍城破為操殺

卯 四 己

殺曹操徐州刺史車胄

韓嵩之言討之移檄亭擁兵觀望州郡列其罪

曹操來攻關羽為所獲袁紹命

大敗于官渡殺別駕

策為盜所殺董承等先受其弟權襲其帝密詔誅曹

庚 五 辰

徇汝穎關羽來歸元德謀去紹說紹南運劉表斬操將蔡陽

田豐

業先是曹東操事泄為操相拒於官渡所害劉元策謀襲許迎德奔袁紹斬漢帝卒紹將顏良文醜破紹官渡

辛 六 巳

頓軍汝南曹操來攻往從劉表于荆州表使屯新野豪傑歸之見許肉生流涕敗操將夏侯惇于禁等於博望

劉元德來自官渡之奔待以上敗城邑多賓之禮叛復擊定之

敗劉元德元德奔劉表破袁紹倉亭軍

壬 七 午

五月卒審配廢其長子譚立少子尚曹操攻譚尚

曹操下書責權任子周瑜勸權勿遣質

癸未

甲申

乙酉

丙戌

丁

曹操來攻劉表以書至西平而勸譚尚兄弟和親

西攻黃祖破其舟師

破袁尚自領冀州牧

譚保南皮為曹操所破遇害

使賀齊討上饒分地為建平縣

殺袁譚

曹操攻柳城元德勸劉表襲許

尚與賀為公孫康所

西攻黃祖

破烏桓神城斬蹋頓遼

昌表不從始用詔葛亮

殺袁氏遂亡

東公孫康斬袁尚袁熙

以吳師大敗曹操于赤壁遂有鎮威將軍子琮立以荆州表劉琦為荆州刺史

荆州附操劉元德表琮兄琦為荆州刺史

攻黃祖破之斬其守分歛為始新新安犁陽休陽并取荆州與劉元德戰敗于赤壁遂失荆州曹仁守江南

羣下推為荆州牧治公安孫

劉琦卒劉氏遂亡

曹仁敗棄城走

權進其妹權表元德領荆州牧

作銅爵臺

會孫權于京口於是盡有荆州之地

己丑 庚寅 辛寅

益州牧劉璋遣遣法正迎法正來迎元德元德與元

徙治秣陵

敗韓遂馬超於渭南以其

卯 六

遂行龐統勸取德會於涪益州

子玉為五官中郎將為丞相副

壬 七

曹操攻孫權權使來告急始與劉璋有隙

城石頭改焉詔命已贊秣陵為建業拜不名入朝作濡須塢不超劔履上殿殺荀彧攻濡須

辰 七

攻雒城

劉玄德圍雒

廬江九江斬并十四州復春廣陵十餘為九州自為高戶渡江來魏公加九錫歸江西遂作金虎臺

巳 六

夏拔雒城進圍開城門降成都馬超來歸元德遷之

克皖城

耕藉田 弒皇后伏氏及二皇子 自置苑頭宮殿

甲 九

劉璋降領益州公安牧久曹操弒皇

午 九

乙 三

孫權襲奪荊州三郡 曹操取漢中置夏侯淵張郃守之張飛大敗之于瓦口

取荊州三郡攻合肥城

以其女為獻帝后 取漢中 始置名號侯以賞軍功

未 三

丙 三

申 三

帥諸將進兵漢中

曹操攻濡須

自為魏王 以其女為公主以鍾繇為魏相國攻孫權至譙

酉 三

討夏侯淵張郃于陽平

建天子旌旗出入稱警蹕冕十有二旒

戌 三

漢太醫令吉本等憤其竊國舉兵誅之不克

己

丑

亥

庚

子

子

斬夏侯淵趙顯
等張郃走三月
曹操入斜谷五
月操舉軍東走
遂有漢中秋羣
下表為漢中王
關羽敗于禁等
七軍孫權襲殺
羽陷荊州

冬曹丕篡位廢
帝為山陽公

襲殺關羽取
荊州曹操表
為驃騎將軍
卞氏為王后
荆州牧南昌
侯分宜都兵
敗走長安
穉歸二縣為
固陵郡

于禁等七軍
沒于關羽
魏諷起兵誅
操不克

正月死于雒
陽子丕自
為丞相敗丕
康冬篡漢自
立國號魏改
元黃初令宦
人官不得過
諸署令遷雜
陽

續後漢書卷三終

